

湯文正公史稿



潛庵先生擬明史稿卷十九

睢州湯

斌潛庵擬

同里田蘭芳箕山評

秦紘潘榮孫需閔珪史琳何鑑列傳

秦紘字世纓單縣人景泰二年進士初爲南京監察御史司收局內監傳鎖兒肆惡紘劾正其罪又聞遣中官往江南採翠毛魚魷等物卽疏諫止權貴因以事中之謫北黃驛丞以御史練綱薦遷知雄縣奉御杜堅捕天鵝至其境從人暴橫紘執而杖之堅奏下錦衣獄民數千人詣闕訟寃詔貰之

潛菴先生史稿

列傳三十八卷十九

一

調府谷遷知葭州秦州俱有善政母喪歸起知鞏昌府累遷陝西參政右僉都御史巡撫山西鎮國將軍奇澗奪人田產紘劾之慶成王爲奏辯且誣紘諸違法事詔削將軍官爵祿米有差責王縱子妄奏削祿米三之一紘無所坐然以王故改撫河南會汪直以事至紘獨與抗禮且密奏直所至煩擾百姓直還帝問巡撫孰賢直以紘對帝出紘奏示之直叩頭伏罪益稱紘不置帝賢紘而釋直不問踰年又改撫宣府紘在邊親被甲與諸將士逐寇戰順聖川又戰興甯皆捷寇遠遁嘗上言宣大

糧芻不足故以河東兩淮鹽引召商上納而商乘時射利始則不報以要輕價終則緩納以待時豐本欲濟急而反緩不及事不若以兩處鹽引卽本地變價輸銀宣府便又言各邊鎮守官每以官舍自隨專營私弊無益於事請停罷皆從之召還理院事遷戶部侍郎時大學士萬安與吏部尚書尹旻交惡旻旣罷以紘旻鄉人嗾御史誣紘爲黨出爲廣西參政稍遷福建布政使宏治初王恕特奏爲左副都御史督理漕運進右都御史總制兩廣總兵官安遠侯柳景貪虐不法紘劾奏之而景亦潛菴先生史稿列傳三十八卷十九

撫他事誣紘詔下景獄命給事中屈伸往勘具得景贓私巨萬沮壞鹽法交土官通番貨杖殺軍職諸狀而紘獨在任有親故過之曾與見亦以是爲罪當是時景累世勳舊又姻連太后周氏家勢張甚勘官不得不以微罪坐紘而景猶抗不服於是會官廷鞫逮紘至京對簿法司卒當景死帝特宥之而紘亦致仕言官交章訟紘枉王恕言景當死陛下旣免之矣而恩不及紘是爲地方軍民之害者可寬而除地方軍民之害者不可用也何以昭勸懲之典哉乃以爲南京戶部尚書十一年引疾

去去三年寇數入固原言者謂紘有威名雖老尚  
可用起戶部尚書兼右副都御史總制固原踰年  
兼督延綏甯夏甘肅三邊軍務紘言固原爲陝西  
要路官軍萬八千人散守城堡二十四所兵分則  
力弱非益兵不可顧臨鞏秦州諸軍歲赴甘涼備  
禦及他方有警又調甘涼與京營征討夫京師天  
下本邊將手握重兵一遇有事輒請京軍援應豈  
強幹弱枝之道哉今後京營兵毋輕發其臨鞏甘  
涼諸軍各還本鎮選知兵宿將一二人各守其地  
則人以戍爲家而樂於趨役軍以將爲命而自奮  
潛菴先生史稿

列傳三十八  
卷十九

三

戰心庶爲兩得又言治邊之道守禦爲本平涼北  
四百里舊有豫望城固靖北三百里舊有石峽口  
及雙峯臺城此皆要地最宜設備修此三者東連  
環慶北顧韋州烽火相傳互爲聲勢此第一阨也  
稍南軍民野處所當隨山修堡使險固可依又有  
西安州鎮戎所海刺都打刺赤黑水口乾鹽池撒  
都城犬牙叅錯此第二阨也又南則有固靖二衛  
平灘堡一條城東山城白陽城分布守禦此第三  
阨也又益南則有火龍溝虎山溝金佛峽麻張溝  
海子口乃深入腹裏之路山間蹊徑用力不多其

牆各以石甃其門俱用鐵裹牆上建營房分兵防護一夫守險百人難越此第四阨也布置既定則我之往攻易彼之入犯難絃初至固原見土狹民貧爲拓城郭定鹽價不匝月商旅皆集民用漸裕又見固原迤北延袤千里閒田無慮數十萬頃但曠野近邊無城堡可依議於花馬池迤西至小鹽池二百里每二十里增築一小堡固原迤北諸處亦各築屯堡募人居種規摹已定而甯夏都御史劉憲意多不同絃言臣嘗論三邊要害延綏甘涼地雖廣而士馬精強甯夏士馬雖怯弱而河山險

潛菴先生史稿

列傳三十八  
卷十九

四

阻惟花馬池至固原士馬怯弱墩臺疏遠一有警卽至固原而入腹裏故花馬池必當增築城堡墩臺韋州豫望城諸處必當增築居種屯堡今固原迤南修築將完惟花馬池迤北二百里當築十堡而憲危言阻衆垂成之工必且就廢深爲可惜乞令憲制三邊而改臣撫甯夏終此邊防爲便於是帝下詔責憲伏罪卒如絃策又嘗以意作戰車試之輕利可用名曰全勝車上之頒其式于各邊絃在事三年督修諸邊城堡一萬四千餘所邊塹六千四百餘里邊鎮屹然前後經畧西陲者皆以

紘爲第一云楊一清踵紘後行邊至其地歎曰秦公文吏觀其行事雖古名將何以加之其爲人推服如此尋又召還視部事以老疾乞休疏數上乃許之明年卒年八十贈少保謚襄毅紘廉介絕俗居官五十餘年出鎮南北所居僅蔽風雨妻孥菜羹麥飯常不得飽又性剛不受屈折督漕運時以御史姜洪文移不遜上書論之謫洪乃已在廣被逮官校至紘方議討後山諸賊治軍事畢從容就道儀衛驍從略不貶損既踰嶺始因服就繫謂官校曰兩廣民夷雜處總制體統崇重遽就拘執恐潛菴先生史稿列傳三十八卷十九

五

損國威使彼有輕朝廷心今既踰嶺真囚人矣自處嚴重多此類人皆憚之

論曰自秦築長城以限內外而歷代防邊之議於是助矣明興定都於燕設遼東大同宣府延綏甯夏甘肅六邊各屯重兵守之其後大甯徙薊州危三韓沒山海震東勝失山西薄河套棄固原迫四鎮始皆稱邊然前之邊六而守日堅後之邊九而守日瑕豈非在乎得人不得人與宣正以還爲邊患者大率在西北其間邊臣以功名著如王驥陳鑑余子俊馬文升輩多可稱道若其相地形險易

量士馬強弱規畫精詳經理微密爲邊塞永久之利則紘尤不可及焉於戲命任事之人皆如是奚至貽朝廷外顧之憂哉故取紘在邊時行事議論節錄之而著於篇

一十是何用意不但區區以著作爲心

潘榮字尊用漳州龍溪人正統十三年進士景泰初擢吏科給事申言停起復抑奔競數事轉左給事中時詔禮部言官假名報怨者具奏罪之榮因上言致理之道求言爲要故尚書稱堯之德曰稽于衆舍已從人稱舜之德曰明目達聰好問好察

潛菴先生史稿

列傳三十八卷十九

六

述禹之興曰聞昌言則拜頌湯之聖曰從諫弗咈其他英君諠辟或置鼓以求諫或設木以招謗所以有過則改聞善則從當時治安後世稱聖陛下卽位以來累詔求言中外咸慶頃因言官陳列違忤聖意遂至勅部參詳跡涉私嫌卽從吏議此詔一下士大夫以言爲諱今死刺陸梁邊疆多事正陛下憂勤採納之時恐未可以此阻言者之路也報曰國家法制久定今有假託建言用報私讐故有此禁何曾阻抑言路仍勅部具悉朕意五年請假省親帝念其貧賜楮帛爲道里費遭父喪服除

出使琉球賜玉帶麒麟服使還進吏科都給事中  
成化六年二月京師陰霾晝晦榮率同官上言陛  
下庶政一新自宜天心降格乃者風霾屢作當晝  
晦真豈應天之道猶有未至歟人君一身動與天  
準敬天之道不獨齋戒祈禱而已政令不宜下民  
失所非敬天也崇尚珍玩費用不節非敬天也後  
宮無序恩澤不均非敬天也爵濫及於賤役賞妄  
加於無功非敬天也願陛下痛自悔勵實圖修省  
庶幾天意可回災異可消不報未幾遷南太常寺  
少卿十二年進南戶部右侍郎總督南京糧儲尋

潛菴先生史稿

列傳三十八  
卷十九

七

改都察院右副都御史仍領部事嚴剔積弊免軍  
士盤運之費倉積羨糧數萬斛奏上備賑饑用千  
七年入爲戶部左侍郎署部事歲旱漕河淤塞奉  
勅督治運舟綜理有方飛輓無阻進本部尚書以  
老疾乞休給驛歸月廩歲隸如例卒年七十八贈  
太子太保

孫需字孚古德興人成化八年進士授常州府推  
官善決獄有疑案一經需讞無不立斷由是有聞  
于時運河淤塞時議取徑別鑿一河久之不就以  
屬需需相地授役約先完者賞衆權趨旬月告成



三年考績當遷巡撫卒俸奏請留任又二年擢南  
監察御史時妖僧繼曉以左道得倖需借同官上  
書請誅之帝怒其憚杖于朝直聲益振嘗巡倉中  
都鎮守中官驕倨榜其門曰謁者入文東武西需  
不往將上疏劾其僭中官懼卒正寘主之禮遷四  
川按察副使歲大祲需聞湖廣有積粟借僉事金  
澤往貸得三十萬石分地賑給全活無算以父憂  
去故事監司出峽率令有司編筏傳舟以防澁漲  
之險至荆州市其竹木值數百金需拒弗用亦竟  
無他服除補湖廣未至道遷浙江按察使再遷布

潛菴先生史稿

列傳三十八  
卷十九

八

政使益以清節自勵浙人稱清德者必曰前劉後  
孫劉者大夏也未幾擢都察院右副都御史巡撫  
河南時歲凶汴河溢嚙城城且壞需令民築堤而  
予之傭值趨者日衆堤成而飢民獲濟公私便之  
有旨下河南取牡丹三千本植禁中需上言役耳  
目以勞民力非盛世事泌陽知縣馮憲忤宗藩已  
下撫按會訊尋復逮詔獄需又言國家令如反汗  
何以示天下事並得寢居三年鎮守中官劉瑯股  
民自殖需輒以法裁之且禁民不得投牒瑯所有  
犯者據法論戍瑯大恨請需蹠請曰盍稍縱繩墨

使得飲勺水于此乎需不聽瑯內慙恨需刺骨陰  
謀去需自便遂調撫陝西比至拊循士卒聞警必  
環甲先驅而需亦勞悴且病矣乞休不許無何召  
還京其去河南及陝西也民皆遮道呼號千里不  
絕彰德府官以銅雀硯贈行亦卻勿受論者以其  
廉不可及時鄭陽流民無所歸乃改需提督鄭陽  
需招徠諭告給牛種散廩餼安輯者數萬口乃建  
學舍令子弟講誦其中暇則身往課習民無惰業  
境內武當山遇禱祠輒賦民錢需曰山有香錢鉅  
萬守者皆牟以自利而顧以度縣累吾民何也令

潛菴先生史稿

列傳三十八  
卷十九

九

籍貯均州自是民得無賦正德初進南兵部侍郎  
榮王之國過金陵欲登城眺覽需謂祖制不得擅  
登王亦憚之而止其剛嚴如此進南禮部尚書劉  
瑾用事遷官者率行賂以謝需獨無所餽瑾銜之  
撫他故罰米輸邊意猶未已復矯旨令致仕瑾誅  
起南工部尚書改刑部又改吏部尚書考察庶官  
所黜數人或頗負時望聞者疑之及廉其實所黜  
果當於是益服需之明復上言修政弭災戒遊佃  
抑權幸諸事皆切直不報以年及辭位詔乘傳歸  
有司月廩歲隸如例卒贈太子太保謚清簡

閔珪字朝瑛烏程人天順八年進士授山東道監察御史出爲江西按察副使進廣東按察使成化二十一年南贛盜起擢都察院右僉都御史巡撫江西上言盜賊之作皆由於巨室橫取民財民不堪命故挺而走險請治豪右之不法者以絕其源則盜可得而弭也於是貴人多忌珪欲中傷之而李孜省因言珪不勝任天子以爲然左遷廣西按察使宏治初復副都御史巡撫畿甸進刑部侍郎四年進右都御史總督兩廣軍務番峒瀧水柳慶平樂諸獍獍之爲亂者相繼討平其討古田也都

潛菴先生史稿

列傳三十八  
卷十九

十

督馬俊及叅政馬鉉敗死時謂致敗自俊珪曰吾總督諸軍奈何獨罪死者乎乃引咎自劾時議欲濟師珪不可設重購緝之已而賊果相率歸降安南使臣奏入貢道憑祥龍州輒爲所梗詔下處分珪曰是各有罪焉乃檄安南無得挾私貨憑祥龍州無得阻貢物其爭遂息八年進南京刑部尚書尋改都察院左都御史加太子少保十三年召爲刑部尚書前後屢治大獄皆會情比律歸於仁恕樂工袁林以罪死獄中邏者謂刑部郎中丁哲濫刑致之事連御史陳玉下廷議時宦官從中主其

事衆相顧莫敢言珪第擬如律及吏徐珪爲替申  
理并下獄窮治珪復執如初俱得末減遼東都指  
揮張天祥以襲殺冒功大理寺少卿吳一貫當其  
罪死會天祥死於獄孝宗大怒親鞫于廷將置一  
貫重辟珪與都御史戴珊進曰一貫推按不實罪  
當徒帝怒不解又力諍曰法如是足矣于是二貫  
止貶官去後又嘗讞獄不稱旨固爭帝不悅與尚  
書劉大夏論及之大夏曰法司執法恩歸朝廷似  
未可深究上曰爾第言古者何人如此執法大夏  
見帝怒莫知所對因曰孟子云舜爲天子臯陶爲  
潛菴先生史稿列傳三十八

卷十九

十一

懿

秦絃清幹閔珪守法令人有何處得來之歎

史琳字天瑞餘姚人成化二年進士授工科給事  
中值佞倖用事朝廷頗事宴遊上元張燈費以萬  
計又崇飾浮屠剝宇相望琳抗章論之直聲震一  
時九年出爲陝西右叅議鞏昌番賊爲梗率兵掩  
擊盡降其衆遂出行部自安定歷會甯金蘭抵秦

州增斥堠繕城壘以斷賊路又轉關中之粟以實  
甘涼往來邊徼凡二年盡得其形勝扼塞及戰守  
方略俄以憂去服除補福建轉江西左叅政南贛  
盜起攻城邑殺官吏督兵勦捕俘斬七百餘人宏  
治元年遷右布政使四年轉左藩府歲祿多倍取  
於民琳請所司類輸之民免侵削琳旣久歷外任  
悉諳利弊方銳意爲民興革無何擢左副都御史  
巡撫保定等處兼提督紫荆諸關畿甸民困於重  
役戍卒疲於罰班而時溥沱水張溢壞民廬舍乃  
爲定徭役免重稅開支流民賴以甦嬖臣矯旨藉  
潛菴先生史稿列傳三十八  
卷十九

真定大名諸州縣果園以備供應琳上言此地入  
之朝廷何啻毫毛而實百姓衣食之原也窮民失  
業變生可虞惟陛下念之詔遣官覆視如其言乃  
止九年入爲工部右侍郎與尚書徐貫盡力曹務  
嘗因災異上言停織造省供應皆報可十三年以  
左侍郎兼僉都御史經略紫荆等關尋進右都御  
史大同邊警頻聞朝廷命太監苗達爲監督保國  
公朱暉爲總兵而以琳提督軍務琳先馳至鎮會  
計兵馬芻糧俄寇退還掌院事十四年小王子自  
甯夏犯固原又犯榆林假琳便宜行事益兵七千

入率偏師先往薄有斬獲未能得其要領時南京  
刑部員外郎李祚言河套不可棄而給事中周旋  
亦言琳疏略不檢有旨責琳治軍無狀於是以保  
國公朱暉爲大將軍出宣府都督李俊李澄爲左  
右叅將出大同與琳會師延綏暉等旣至覘敵兵  
所在乘夜潛師直搗河套敵不意大兵驟至驚遁  
乃毀其廬帳而還捷聞各賜勅褒美副以綵幣寶  
鏹琳入朝陳邊務十三事十七年復與保國公暉  
治兵京營武宗初立國事搶攘宣府遊兵復失利  
與暉提師赴援琳出宣府暉出大同分督諸將合

潛菴先生史稿

列傳三十八  
卷十九

七

勢邀擊斬獲以百計捷再上褒諭如初師還帝遣  
中官迎勞寵賜有加琳自居九列前後請老十餘  
疏輒慰留平生多藝能於諸推步占候醫藥之術  
靡不通涉一日見熒惑犯左執法謂人曰是必有  
當之者已而左都御史戴珊卒曰未也及代掌院  
事不踰月亦卒年六十有九贈太子少保左都御  
史再贈太子太保

何鑑字世光浙之新昌人年二十八登進士時有  
詔年三十者得赴翰林選同列多增年以進鑑曰  
未入仕先欺君可乎獨不赴明年授宜興知縣疾

白糧攬運者累民更議每甲選六戶自運歲貢茶  
萬五千斤額外解費不貲鑑僱舟解送罷尚京馬  
船軍民使之干年以卓異徵入爲御史巡宣府大  
同中官廖禮同叅將周賢捕妖人連逮良民百餘  
鑑覆按非實奏宥之決遣者七人而已查盤邊儲  
侵耗劾巡撫鄭甯及監司以下數十人置裨將孟  
璽胡觀等四十人于法于五年巡鳳廬淮揚等郡  
鳳陽陵軍倚禁木殃民鑑按視其地命止禁山麓  
其平地樵採者不坐著爲令于七年出爲河南知  
府上遣中官陳喜開取嵩廬等縣礦洞鑑力止不

潛菴先生史稿

列傳三十八  
卷十九

古

可且陳狀已而竟無所得值歲大凶懸格勸富民  
輸賑借徐淮二倉餘米蘇常二府錢帛而停解本  
郡漕糧以活飢民其時他郡人相食盜賊殺官劫  
庫河南獨晏然治行稱天下第一遷山東叅政歷  
四川左布政使吏部尚書王恕等考績鑑復第一  
用是不三月擢都察院右副都御史巡視江浙糧  
儲宏治七年蘇松大水饑民嘯聚以便宜發漕米  
十五萬石賑之干年巡撫山東適闕里廟災廟故  
金章宗所建規制卑隘請于朝拓而新之工費十  
五萬取給關稅亾累民干八年以刑部左侍郎兼

僉都御史覈河南湖廣陝西戶口期年報籍得戶  
五十三萬五千六百有奇丁口七十三萬九千六  
百有奇疏條處置地方十事以聞正德二年進南  
京兵部尚書時內外守備皆劉瑾私人諸衛弁倚  
藉聲焰鈞聯午貫鑑略無所顧發軍中積弊檢覈  
五十一衛軍官權貴無所關請乃銜鑑中以蜚語  
坐事罰米後瑾誅諸附援者誅斥殆盡而鑑召入  
爲刑部尚書尋改兵部奉勅提督軍務賜蟒衣玉  
帶先是霸州文安賊劉六劉七齊彥名等以誅瑾  
爲名擁衆數千殘破畿南州縣山東河南並受其

潛菴先生史稿

列傳三十八  
卷十九

圭

毒而藍廷瑞鄂本恕方四劉烈起四川延及襄漢  
李四仔汪成一王浩八起江西阻桃林洞華林寨  
大帽山爲亂皆張甚帝旣命刑部尚書洪鍾總兵  
官楊宏往四川都御史陳金副總兵張勇往江西  
都御史馬中錫惠安伯張偉往畿輔山東各率兵  
征討又以兵部尚書王敞疏闇不任兵樞特改命  
鑑鑑選練將士奏起劉瑾所罷宿將白玉等數人  
修濬畿輔山東城隍令鄉鎮結伍立柵相應援令  
河南山西發兵守黃河斷太行以防奔突令京操  
官軍畱守本處郡邑令漕船各簡精卒一人駐所



過河濱護運通行旅詔悉從之亡何賊屠棗強破  
廣平清河南宮故城獻縣而北鑑奏遣都督張俊  
王琮分禦之文安霸州賊聞之遁還山東馬中錫  
張偉擁兵不截戰鑑劾以縱賊徵下詔獄調宣府  
副將許泰遊擊郤永帥師入駐涿州延綏副將馮  
禎駐保定又奏遣侍郎陸完督軍已而賊復至霸  
州都人震恐帝召問策所出對曰邊兵已到涿州  
賊來正自送死但恐陸完南行急諭之可及也夜  
啟正陽門出檄檄至完軍方發遂反趨固安合諸  
將兵蹙賊賊大敗官兵勢振完乘勝驅之許泰敗

潛菴先生史稿

列傳三十八  
卷十九

六

賊于半壁店郤永敗賊于鑑橋馮禎新至敗賊于  
裴子岩鑑以軍威已立患賊多奔逸不能旦夕盡  
方謀益兵四路截勦而帝忽遣太監谷大用伏羌  
伯毛銳軍臨清賊覘知大用等軍稍遠時十二月  
朔欲因帝出祀南郊犯車駕先日奔霸州二更報  
至鑑未寢手書帖子遞入長安門記守門中官姓  
名令逐門遞入司禮監立達御前傳九門嚴守絕  
城令通州良鄉涿州各爲備又以常制調禁軍營  
于南海子蘆溝橋羊角房三所令既定夜漏方五  
下厥明帝召問今日可出否鑑奏已有備當蚤出

以安人心駕遂出竣禮而還賊西南掠新城饒陽  
臨城趙州晉州諸州縣而去鑑度其不東向臨清  
必南趨彰德促完等分道急追至彰德賊方圍湯  
陰望風遁走許泰馮禎追戰敗之賊渡河冰陷死  
者無算詔加鑑太子少保諸將陞賞有差時楊虎  
劉七分兵自宿遷破睢甯靈璧虹縣轉掠亳州爲  
砲擊覆舟虎及其黨九人溺死而劉三趙風子邢  
老虎代領其衆賊勢復張入河南破虞城裕州等  
二十四州縣焚劫殺戮掘壘墓酷甚鑑復檄宣府  
大同遼東延緩諸鎮將續調未發兵各數千遄赴

潛菴先生史稿

列傳三十八  
卷十九

七

軍前責諸將計日滅賊且請都御史彭澤往河南  
督之帝嘉其能賜麒麟服七年正月朔日方朝忽  
傳賊又抵霸州羣臣皆變色鑑默計宣大續調兵  
已至涿從容發符調先在涿兵赴霸堵殺賊復遁  
去時陸完在山東恐賊偪京師方遣將赴援未至  
而霸圍已解賊先後破州縣無算流毒數千里然  
四窺京師卒不能過霸州一步自是郤永敗之穆  
陵時源神周敗之汴梁仇鉞彭澤敗之汝甯永復  
與許泰敗之臨朐沂水賊日奔而南轉掠武昌九

江間復折而泊舟通州狼山竟爲諸將所蹙彥名

授首六七相繼溺死由鑑舉用陸完彭澤及再調  
邊兵之力也事聞適陳金洪鍾平江西四川捷奏  
上論功加鑑太子太保進階光祿大夫勳柱國蔭  
一子錦衣百戶八年予告歸鑑爲人誠實果敢遇  
所當爲輒毅然爲之雖怵以利害不易嘗病錦衣  
衛爲諸闖窟穴冗官至千餘人奏乞簡斥宸濠以  
媚瑾復護衛及瑾敗再革鑑爲兵部濠百計不能  
復鑑去一請卽得之其與人平恕常市隙地建坊  
鄰家懼其勢昂不利已鑑聞之令埋深二尺許鄰  
人德之後他坊多仆而此獨堅無恙里居六年講  
潛菴先生史稿列傳三十八  
十大夫家居不念此

六

求鄉邑利病興革必得請而後已衆爲之立祠顏  
曰鄉德士大夫稱五峯先生  
清節通材區畫處亦凜凜有色氣

徵聖賢數論又

徵高士開闢大

徵富強神懸然

一千餘年百

士論也賦

蘇氏之代

授首六七

周洪謨楊守陳列傳

周洪謨字堯弼四川長甯人也正統十年進士善文辭諳國家典故授編修遷左贊善勸景帝親經筵以講聖學謹聖德以惇化本復條上時政十二事尋轉侍講掌南京翰林院成化初召修英宗實錄進侍讀學士四川蠻寇作亂上書言禦寇方略寇聞之怒至圍長甯欲劫其家歷兩京國子監祭酒上言祀禮儲蓄省刑減役薄稅等十事憫荆襄流民之變著流民圖說後李賓原傑從其議以有成功又請加孔子帝號改大成至聖爲神聖廣運

潛菴先生史稿

列傳三十九  
卷十九

九

宜增冕十二旒衣十二章十籩十豆各增十二六佾之舞增爲八且言古者鳴球琴瑟堂上之樂笙鏞祝敔堂下之樂而干羽舞兩階今舞羽居上樂器居下非古制憲宗命禮官議尚書鄒幹覆奏孔子萬世帝王所尊大成至聖之號祖宗以來旣仍其舊不必增益今神聖廣運出於伯益贊堯之言不若大成至聖本於孟子中庸猶可彷彿也籩豆佾舞之數祖宗斟酌已有定式易謚號加器數舉不足爲孔子重輕惟佾舞居下宜命太常考正之

洪謨復以爲言憲宗降制籩豆佾舞俱如奏增焉

進禮部右侍郎尋代張文質爲尚書當是時國家承平典禮時舉四裔朝貢不絕皆洪謨掌其儀節大者如東宮大婚太廟祔祧前此未有盡洪謨與內閣大臣參酌定制行之又言尚書蔡傳璿璣玉工巧人服其精西番烏斯藏合諸族入貢邀賞踰舊額歲增至三四千人河西諸番又詭稱烏斯藏族益不可究請視日本入貢例給與符三十道書其使名及貢物於符上識以舊賜金印至關驗是後納否卽斥去時以爲便二十三年加太子少保

潛菴先生史稿

列傳三十九卷十九

三

時月當食不食衆議宜賀洪謨言此陰勝之象豈可賀耶平生自少至老未嘗一日去書不觀在朝知無不言宏治初致政歸力疾上安攘事宜其論積民食略曰國家設預備倉以積穀有司視爲具文宜立規制通行天下凡積粟以萬石爲率遇上年官積十之三中年十之二下年十之一積久十里小縣可至十萬石百里大縣可至百萬石有司以積穀盈歉爲殿最不幸遇災驗口賑給俟上年還官中年還三之二下年三之一槩蠲其息凡官民所積小縣滿十萬大縣滿百萬則有備無患矣

其撫流民畧曰西漢時召信臣守南陽流民自附八萬餘口東晉時雍州舊在西安因流民來聚襄陽乃僑置南雍州於襄水之側松滋縣舊隸廬州因流民來聚荊州乃僑置松滋縣於荊州此往事之後南雍州併於襄陽松滋縣隸於荊州此往事之可法者也成化七年從檢討張寬之奏流民聚處者械歸里適值溽暑飢渴而死疫癘併行舟師遞解者懼其相染覆之於江後令都御史原傑招撫計死者九十餘萬人故當時四川陝西地震五百餘次災傷徧于天下此今事之宜鑒者也今宜著

潛菴先生史稿

列傳三十九卷十九

三

令流民與各郡縣相隣者倣召信臣故事聽其附籍仍復九年待其安定然後徵之遠而不可附籍者倣晉南雍州松滋縣故事設州縣置官吏編里甲建庠序以教治之則流民盡良民矣其弭強寇略曰東漢時廣陵賊張嬰寇楊徐太守張綱單車造嬰壘申示國恩嬰卽降今強寇時常有之宜先令人以張嬰故事備錄本末開諭招撫如其聽從散歸農畝否則征勦未晚也其勦廣寇略曰漢順帝時日南象林蠻反乃募蠻裔使自相攻嶺外悉平唐明皇時酉原賊黃乾耀等叛詔募環古首領

方子彈甘令輝等討之遂斬乾耀今廣西左右兩江知府土兵不下四十萬若蠻人出沒不調中國軍馬止用土兵征勦轉輸金帛以資糧餉如其有功歷階而上以至都督而止則人皆赴功無不可破之賊矣其議征西南裔及土蕃畧曰漢昭帝時西南姑繒葉榆殺藍州太守乃召响町侯亡波擊之唐德宗時土蕃入寇乃召雲南異牟尋擊之今貴州苗賊卽古西南裔如其出沒則調貴州四川各宣慰司土兵以征之松潘卽古之土蕃山路峻險輸轉愈難常被截掠此四川之大害也乞將松

潛菴先生史稿

列傳三十九卷十九

三

潘官軍畱其半守衛移其半於山麓之下庶省運糧之五仍召松潘所轄四宣撫司長官與約能勦捕諸羌者陞賞逾格則四川大害可除矣其征勦雲南邊境及經制雲南境外地方略曰雲南老撾等處地瘴氣毒進者必死若不得已而征之宜調土兵資以餽餉約以陞賞昔唐調異牟尋以征土蕃遠在境外尚克成功况近在雲南者耶至於臨安縣南有野人一區內不屬雲南外不屬交趾宜善諭其酋長許建衙門自推寨主允其三年貢馬免一應差撥內可以屏障雲南外可以捍蔽交趾

矣其經制湖廣諸蠻略曰宋太祖時辰州秦再雄  
武略勇健擢辰州刺史終太祖世邊境輯甯今辰  
州諸地克平宜如宋太祖故事使各峒酋長自擇  
可立宜撫長官司并土官知府等官則邊徼無虞  
矣其經制四川都掌大壩略曰太祖經畧雲南貴  
州及各邊境設立土官宣慰宣撫知府知州知縣  
等官獨廣西蠻蠻湖廣苗獞溪峒四川都掌大壩  
三處未盡設立每有出沒剽掠之患宜如祖宗成  
憲設立土官爲便洪謨之畱心世務長於議論多  
此類也又謂有明五經取士士遵濂洛成說應主  
潛菴先生史稿列傳三十九  
卷十九

三

司求其於精微甯無疑辨偶繙閱有得輒爲剖析  
得二百四事名辨疑錄以獻意欲掇於諸經本註  
之下恆自詡吾爲此錄發經書之蘊正先儒之失  
雖三公之貴古人自重其書如此不與易也書上不報然洪謨讀書論  
亦是一病事好執已見果於自是晚年章奏多爲人指摘天

子獨諒其朴忠宏治三年卒謚文安

楊守陳字維新鄞縣人父自懲爲縣吏有陰德守  
陳景泰元年鄉試第一明年成進士改庶吉士尋  
遭父喪祖父母繼沒居廬七年服除授翰林院編  
修累遷司經局洗馬充經筵講官嘗進講武成篇



因曰魯論稱舜無爲而治周書稱武王垂拱而天下治是則聖人之治皆不勞而逸也然後世人主有深居禁中委政內侍者乃召望夷之禍有高居無爲肆情嬖豔者乃啟祿山之變是何也蓋大舜武王能舉相除凶惇信明義憂勞於先逸安於後後世人主則安其危而利其菑樂其所以亡耳此聖狂治亂所以異惟陛下留意左右聽者悚然退相語曰真講官也尋進侍講學士守陳官五品十六年泊然退處當路有欲援之者謝曰吾猶嫠婦也守節三十年今老矣顧改志耶孝宗出閣復爲潛菴先生史稿

列傳三十九卷十九

三

東宮講官遷少詹事宏治元年宮僚皆進官擬進南京吏部右侍郎帝曰守陳宜畱此因改北憲宗升祔禮官議祧懿祖而以德祖比宋僖祖不祧守陳言禮天子七廟祖功宗德故凡號太祖者必以配天若商周契稷皆有功德非直原本統也宋僖祖及我德祖可比商報乙周亞圉非契稷比議者習見宋儒嘗取王安石說遂七廟既有始祖又有太祖太祖配天又不得正位南向名與實乖非禮今請祧德懿熙三祖而自仁祖以下爲七廟異時自仁祖及仁宗以下親盡則祧而太祖太宗百世

不遷祧主藏於後寢祫禮行於前廟時享尊太祖  
祫祭尊德祖恩義各盡庶無悖禮時不能從然識  
者是之又言宜遵祖宗舊制開大小經筵以講學  
御早午朝以聽政其大小經筵必擇端介博雅之  
臣侍班進講凡四書五經諸史祖宗典訓百官題  
奏皆當聚之文華殿後日輪內閣大臣一員講官  
二員使居前殿右廂陛下退朝常御後殿或前殿  
躬加研閱倘有所疑則錄示講官使得面對午朝  
則陛下御文華門內閣府部院寺大臣科道官輪  
番列侍遇有大政會議使人各盡其謀陛下審而

潛菴先生史稿

列傳三十九  
卷十九

五

行之其餘具本奏者則召內閣面議批凡內外官  
員見辭赴任或自任所來見者陛下必俯降辭色  
曲詢利弊俾各從實以對因以察其賢否而加黜  
陟焉大抵一日之間居文華殿之時多處乾清宮  
之時少俾賢才常接於耳目視聽不偏於左右則  
內外交修始終如一若但如近日日講午朝應故  
事凡百題奏皆付內監諸臣調旨批答臣恐積弊  
未革後患滋深帝深嘉納後數年時召輔臣坐論  
政事閱章奏面相可否皆守陳發之也會充憲宗  
實錄副總裁因請解部務專史職不允因言吏部

進退百官王恕尚招人言臣何人豈勝此任乃以  
本官兼詹事府丞專事史館守陳嘗云國可滅史  
不可滅靖難後不記建文君事遂使當時朝政與

皆極有關係

方黃死事諸臣皆闕落無傳及今蒐采猶可補輯  
景帝已正位號英宗實錄標目猶書邲戾王附宜  
改正凡疏畱中者卽忠言正議國家大政事例不  
得登實錄宜宣付史館以備遺忘疏具病不果上  
卒謚文懿贈禮部尚書初守陳居喪時作禮記周  
禮儀禮私鈔繼旁讀羣經見先儒傳註有不合意  
又作周易尚書詩春秋孝經大學中庸論語私鈔  
潛菴先生史稿列傳三十九卷十九

三  
美

於書謂舜典象以典刑一章乃舜命官語非史臣  
紀事之詞古者罪人不孥而漢書引湯誓孥作奴  
蓋或奴或僂隨其罪之輕重施之也大誥今蠢今  
翼日當以今翼爲句謂武庚今無知如蟲之蠢動  
今有黨如鳥之翼羽日字應屬下句猶左傳日衛  
不睦也於詩以卷耳爲大夫行役者之作謂陟岡  
陟租馬疾僕痛非后妃思慮所及以栢舟非婦人  
之詩謂其心不可轉威儀不可選正孔子所謂吾  
於栢舟見匹夫執志之不可易者也至以鄭衛之  
詩非卽鄭聲其辨尤詳大約謂春秋主事當無不

載詩主辭當有所擇朱子修通鑑綱目于莽操呂武之事靡不備書其續楚詞則神女季姬皆斷爲禮法之罪人高唐賦亦視爲倡家之讀禮若鄭衛諸篇果爲淫者所作聖人必不錄之矣其不肯與人苟同類如此也弟守阯南京吏部尚書從弟守隨工部尚書守隅廣西布政使子茂元刑部侍郎茂仁四川按察使守阯字惟立成化十四年進士第二授翰林院編修二十三年滿考會其從兄守隨官御史爲姦人李孜省所中謫官守阯亦遷南京侍讀宏治元年召還纂修憲宗實錄進左諭德

潛菴先生史稿

列傳三十九  
卷十九

三

累遷侍講學士掌翰林院事南京吏部右侍郎疏乞省墓回京遷左請老不許武宗卽位以年滿七十進尚書致仕劉瑾專政奪所加官瑾敗乃復家居七年卒贈太子少保守阯文學議論頗似守陳歷官亦略相同嘗對掌南北翰林院時人榮之守陳歿哭奠於私室者二年人稱其孝友守隨字惟貞成化二年進士授監察御史權貴人犯法數按治之嘗劾奏僧繼曉直聲震一時巡按江西李孜省姦暴鄉里守隨舉按其罪當謫戌孜省走京師結納中貴以左道得倖守隨自江西還孜省已爲

太常丞守隨卽言改省賊吏不宜典祠廟百神之  
祀改上林苑監已而吏部擬守隨大理寺丞南京  
大理寺少卿皆爲改省所格久之遷應天府丞時  
改省益貴用事被密旨得舉察百官矯中旨調南  
甯知府改省誅擢應天府尹先是守隨官府丞時  
守備太監蔣琮陳祖侵後湖墾地爲田又漁於湖  
爲御史孫紘所論下守隨勘悉繩以法琮等深怨  
之至是復爲所構謫廣西叅政久之稍遷按察使  
擢南京操江都御史大理寺卿正德初進工部尚  
書仍掌寺事太監李興盜皇陵木罪當死劉瑾爲  
潛菴先生史稿

列傳三十九  
卷十九

天

請間守隨峻拒之興謂人曰我有金四十萬畱十  
萬養親以三十萬脫我死何不可爲者守隨持興  
益急卒以內降免亡何諸大臣韓文等伏闕論瑾  
守隨又獨疏言其姦狀文等旣被逐守隨亦致仕  
瑾尋指斥大學士劉健等五十三人爲奸黨守隨  
與焉削其官又追論守隨在大理時治獄失當罰  
米二百石瑾敗復官致仕卒年八十五贈太子少  
保謚康簡茂元字志仁成化八年進士歷官刑部  
郎中數辨寃獄有聲遷湖廣按察副使以喪去官  
服闋補山東副使河決張秋命都御史劉大夏偕

太監李興平江伯陳銳往治之初祭河神天氣陰晦帛不能燃茂元上言神示此異必有警戒水陰也象應後宮今后戚家怙勢暴橫乞加裁抑以消災變又李興陳銳參隨人衆日費不貲乞召還之以治河事專委大夏又請罷取天下畫工仍革臨清鎮守時壽甯侯兄弟貴倖用事所爲多不法廷臣無敢言者茂元疏入下獄言官交章論救孝宗知其無罪然亦未能遽釋也久之謫長沙府同知自免歸尋起知安慶府遷廣西參政正德初劉瑾擅政中外官餽問稍後輒獲譴或以諷茂元茂元潛菴先生史稿列傳三十九卷十九

无

歎曰餽從何出非盜官帑則賸民膏以此自救是畏無妄之災犯有名之律譴將益深其可乎遂不應致仕去瑾誅再起江西參政尋遷雲南布政使擢右僉都御史巡撫貴州復召爲南京右副都御史時方討竇子坪五寨平頭烏雞苗寇茂元以爲兵糧已集事貴神速若需後人至寇有備矣乃督將士進發不一月寇悉奔潰進南京兵部侍郎改刑部卒年六十七楊氏自守陳以清節著兄弟父子間自相師法皆質直不阿遇事敢言見稱于時

爲世家云

周楊文臣之清正者摘取諸牘議俱扼要語  
足徵先生能長于識

潛菴先生史稿列傳三十九  
卷十九

三

吳燾於此節疑于編

周楊文臣之清正者摘取諸牘議俱扼要語

張瑄字廷璽江浦人也少貧喪母受經於姊夫李侃正統七年與侃同舉進士授刑部主事再進至郎中出爲吉安知府吉安俗尚巫刻木像神丹漆而衣冠之聚衆迎導舉國若狂瑄嚴禁弗止後於途遇之大怒卽叱令棄像水中寘首事者於法無何瑄邁危疾郡之父老皆曰神爲祟也請復之瑄復大怒不許疾亦尋瘥會大饑白上官不俟報輒發廩賑貸更建祠祀忠節修治文廟府廨橋梁道路使民各以力食一切俱舉民不知饑吏部考績

潛菴先生史稿

列傳四十一  
卷十九

三

第<sub>一</sub>遷廣東右布政使時廣西流賊越境寇連山瑄督軍擒其渠魁遂築城堡大治兵陽江新興諸賊以次悉平時兩出師征大藤峽瑄功爲多每捷聞朝廷輒賜綵帛銀牌以旌其功最後賜織金雲鶴衣一襲瑄益感奮凡事務爲久遠造預備倉凡六十二修陂塘圩岸凡四千六百餘增築廣州新會等十二城軍民賴以安堵成化四年轉左布政使明年滿九載當赴京軍民奔走乞留於是鎮守巡撫交章薦其治行請再任以慰民情詔許之八年

進都察院右副都御史巡撫福建所屬州縣無



經歲之儲勸民出羨粟貯倉以備荒復餉額以恤軍士閩安鎮出海口二港元時用鐵纜橫截港口以禦海寇其後寢廢瑄命所司造鐵纜三纜長皆百餘丈兩岸雜以鐵杙中以二十筏駕之小港如制而纜差縮由是海寇絕跡不敢近又以計捕斬山賊渠首散其餘黨朝廷以爲能降勅褒嘉鎮守太監金勝暴橫不可制瑄劾去之閩俗信陰陽拘忌有停喪十餘年不葬者下令計日舉葬人無敢違舊俗爲之一變未幾調巡撫河南時按察使何喬新副使陳選並有廉能聲特薦於朝時稱知人

潛菴先生史稿

列傳四十卷十九

三

河南軍糧舊例交兌元城非河南境難鈐制請改置倉於彰德水次軍民稱便會汴梁饑發官廩爲粥於城四門外及各寺觀無衣者給官庫布綿無室者以關廂空屋處之流民如歸十四年改南京刑部左侍郎進本部尚書在部九年斷獄明允二十三年致仕宏治七年卒于家年七十有八瑄知吉安時巡撫都御史韓雍威望烜赫屬官皆望塵羅拜瑄不少詘雍亦重之暨爲布政使而雍復受命提督軍務瑄事之甚謹或謂瑄風節減于昔時然能贊襄成功有足多者至其師事李侃終身不

改人以古道稱之無異辭云

楊信民名誠以字行新昌人永樂十八年鄉薦宣德五年除工科給事中正統八年出爲廣東布政司參議廣東去京師遠物產富饒官其地多以贖貨聞吏治日媮信民以潔廉寬大爲治暇則巡行衢市田野問民所苦有以鬪訟牽連者輒縱遣之初信民之出也受密旨許言事至是訪民間利弊所宜興革輒條奏聞上悉可其奏凡所建罷十餘事信民性易直負意氣不下人同僚居官不法者輒面折其過卽一善可錄位雖賤必甄拔不遺常

潛菴先生史稿

列傳四十卷十九

三

曰吾受朝廷付託之重俾旬宣一方忍視民愁歎困苦之不恤乎廣東按察使郭智居官不法信民劾罷之代智者黃翰行事如智又劾罷之詞連僉事韋廣上書許奏信民遂並逮赴京師廣人走萬里詣闕言信民公勤廉能乞畱以安百姓旣而法司鞫得實翰廣皆坐除名復信民官會上木之變命守白羊口而廣州賊黃蕭養作亂僭號東陽王據五羊驛爲行宮都指揮王清戰死嶺表大震事聞詔遣都督董興帥師往討廣人在京師者連章乞信民乃以信民爲僉都御史巡撫廣東捕盜賊

先是賊圍廣州官軍戰屢敗守土者閉門禁民出入樵采路絕信民至開城門發倉廩給民木缺得出入自如賊至乃收保廣人大悅信民宣布朝廷威德激勵士卒屢戰屢捷繼乃使人持檄入賊營諭以恩信蕭養感泣曰得楊公一言死不憾尅期納款信民單車出受降賊數萬人皆謹曰果吾楊公耶爭投戈羅拜有泣下者會董興軍至聲言勦賊賊忽中變夜有大星隕廣州城外又七日信民暴疾卒景泰元年三月十二日也軍民奔走聚哭城中皆縞素賊聞之亦曰楊公死吾屬無類矣未

晉菴先生史稿

列傳四十一卷十九

五

幾董興平賊所過悉屠戮民仰天號曰楊公在豈使吾曹至是哉訃聞錄其子玠爲太學生立祠廣州成化二十年從選人盧從愿請命有司歲以忌日祭信民祠著祭典謚恭惠初永樂中粵人周志新爲紀綱陷死信民時存恤其家語人曰周志新當代第一人吾不及也戶部侍郎陳璉嘗稱信民存心仁處事義予民信終始一心夷險一節人以爲篤論云

潘蕃字廷芳崇德人從父徙京師占籍畱守前衛初昌鍾姓舉成化二年進士始授刑部主事遷郎

中山西沁源王與知州金澤互訐蕃往按置其左  
右用事者于法雲南鎮守中官錢能貪利啟豐都  
御史王恕劾之蕃又往按知事由指揮盧安論如  
律并請治能士論壯之出知安慶府以嚴明爲治  
改鄖陽時鄖陽初開撫治流民遂爲土著四遷至  
右副都御史巡撫四川兼提督松潘軍務常單車  
行視松茂邊人畏服遷南京刑部右侍郎尋改兵  
部未幾進右都御史總督兩廣兩廣自韓雍後幕  
府威重軍門執銳者常萬人蕃悉罷去僅留數十  
人給使令餘并以配諸將備調發與將吏約依故

潛菴先生史稿

列傳四十一  
卷十九

三

事無所紛更有密封白事者一切禁罷然其節制  
特嚴號令出卽大將不敢喘息方面官稍違約束  
輒法治不少貸瓊州黎符南蛇叛於海南衆號數  
萬官軍擊之不下蕃率狼土兵二萬渡海往討初  
遇賊不利都指揮何清戰死蕃親鼓之諸軍皆殊  
死鬪乃破賊斬南蛇平其巢羣黎悉定論功進左  
都御史而思恩知府岑濬與其兄子田州知府岑  
猛相讐殺不解濬攻陷田州猛走軍門乞援蕃檄  
濬罷兵弗聽蕃乃合總兵毛銳等兵十餘萬分六  
道破諸關隘圍濬於舊城濬自殺梟之以徇思明

酋黃紹與其子文昌叛蕃遣將討之皆伏誅而豐湖十三獠寇及惠州古三仔唐大髯等以次悉平凡五年間前後斬獲土寇一萬三千有奇又奏裁冗官二十七員嶺表大治正德改元召爲南刑部尚書亡何乞致仕命乘傳歸初蕃旣平岑濬之亂請改二府設流官而降猛同知時尚書劉大夏議獨相左乃奏徙猛別府及蕃去而猛復叛瑾遂用此逮蕃及大夏下獄將論死以大臣申救減戍廿肅瑾誅詔復官歸里凡六年卒卒之日屬其子曰吾貧不能喪衣裁被體卑其封母先爲葬期陰陽潛菴先生史稿

列傳四十一卷十九

美

拘忌吾所不信須晴日卽襄事可也其子泣而從之嘉靖十八年用御史傅鳳翔請賜葬祭先是蕃從兩廣入爲尚書歸家無宅稅他人宅居而隘每與鄉人飲必露坐花下醉任所之及被逮鄉人同遊者皆相送蕃械繫拱手就道觀者流涕

杜銘字敬修金堂人正統十年進士授刑部河南司主事總十三司章奏羣僚堂參時羅立廳事各以疑獄質銘如銘言所治獄輒善歷官郎中他司正郎缺卽以印綬委銘兼領之每出署羣吏抱印繫纍歸私第人以爲榮景泰六年尚書江淵巡視

南畿河南山東舉銘自輔未幾奉璽書慮囚貴州  
出滯獄數百人遭喪服除例改他部刑部奏再借  
銘治獄一年庶無冤囚復除河南司天順四年甘  
肅警急兵部尚書馬昂行邊舉銘參議幕府尋遷  
雲南按察司副使一年守臣交章薦補試按察使  
尋改貴州爲真居三年遷湖廣左布政使治行悉  
稱異等成化八年召爲戶部侍郎轉刑部十一年  
按事襄垣王府未還會寇犯河套入北邊卽道中  
命銘提督山西三邊軍務銘出代州歷鴈門甯武  
至偏頭關遍行邊壘覽形勝險要扼塞時時召老  
潛菴先生史稿

列傳四十  
卷十九

七

兵退卒問戰守之宜建議偏頭關東連威遠西帶  
保德北接沙漠烽烟驟起戎者出戰邑遂爲虛請  
設千戶所一領十百戶所卽以戍兵願留者實其  
伍又置按察副使督治三關勿使勁卒占役私家  
於要害設立墩堡壁壘旌旗相望寇知有備遁去  
二十一年遷工部尚書掌大理寺事尋改刑部尚  
書銘久典刑獄明於法令持中不苛時稱平允當  
銘爲侍郎貴州畢節衛人訟都指揮林晟與其子  
雄不道謂反形已具朝廷遣科道並錦衣衛官按  
其事銘謂使者曰銘故嘗官於彼晟蕩後踰法事

誠有之銘敢保其無他使者入銘言至彼按之果  
亡所得晟德銘遣人致重賂謝銘曰吾爲國法耳  
甯爲晟耶拒弗受乞歸賜寶鑑給驛以行歸題其  
廬曰敬齋兄弟賓客日過從農時扶杖課家人田  
作耕父野叟爭攜酒餉銘銘引滿不辭家居十有  
餘年卒

周季麟字公瑞甯州人成化八年進士授兵部主  
事清禁軍及畿內山東西邊軍得健卒八萬歷員  
外郎郎中宏治初遷浙江參政武康盜起馳入山  
中撫定之歷遷河南左布政使籌國計搜剔隱蠹

潛菴先生史稿

列傳四十  
卷十九

三

周王欲罪其世子季麟爲之調護王怒解卒以慈  
孝名撫按交章薦擢右副都御史巡撫甘肅先是  
哈密爲土魯番鎖檀阿力所據朝廷立陝巴爲王  
復爲土魯番阿黑麻襲執朝廷遣許進巡撫甘肅  
進乘夜直抵哈密阿黑麻懼乃歸陝巴并所奪勅  
印季麟承進之後會左都御史王越等請仍立陝  
巴爲忠順王給以原勅還居哈密而季麟頒教令  
使阿黑麻受約束議朝貢如舊制諸部帖伏而陝  
巴之族安定國王亦慕義來享帝嘉悅賜季麟金  
綺獎勵有加北庭小王子擁衆數萬入河套往來

波羅賀蘭問季麟謹候望重間諜寇不爲患因劾  
總兵官恭順侯吳鑑怯弱狀詔罷鑑而以武安侯  
鄭英代之時西安設防冬民兵五千以寇警偶召  
入城守歲久爲例民患之季麟乃下令歲用千人  
春秋更番而罷四千人歸農民皆大悅而勢家要  
人舊役民兵者多不便之會以閣臣薦召還調薊  
州薊州草場御馬監京營牧地與民田接畛往往  
侵蝕爭訐無虛日季麟考圖籍正疆界衆慙服而  
權貴侵蝕者又不便之十八年武宗嗣位以病乞  
歸旣而劉瑾搆以他事奪職罰米千石瑾誅例復  
潛菴先生史稿

列傳四十  
卷十九

三

敏

人善於兵兵善於不戰之會也  
春好更番而罷四千人歸農民皆大悅而勢家要  
人舊役民兵者多不便之會以閣臣薦召還調薊  
州薊州草場御馬監京營牧地與民田接畛往往  
侵蝕爭訐無虛日季麟考圖籍正疆界衆慙服而  
權貴侵蝕者又不便之十八年武宗嗣位以病乞  
歸旣而劉瑾搆以他事奪職罰米千石瑾誅例復  
潛菴先生史稿



王繼王宇徐源韓邦問徐貫徐恪陳泰陳壽

列傳

王繼字述之祥符人也成化二年進士授雲南道  
監察御史巡按山西風裁特著藩府有欲脅奪民  
居者畏繼而止出爲陝西按察司僉事進山西按  
察使中官奉命採石膽於紫碧山求之不得繼令  
取小石子給之中官怒曰石膽古書所載何以云  
無繼曰麟鳳亦古書所載今有之乎事遂寢丁憂  
服除兩遷山西右布政使孝宗卽位擢都察院右  
副都御史巡撫陝西哈密忠順王爲土魯番所滅  
潛菴先生史稿列傳四十一  
卷十九

早

據其土地繼訓練將士昭示德威土魯番欵服卒  
立忠順王後繼膺白金文綺之賜宏治三年改撫  
宣府尋調甘肅五年進南京兵部右侍郎九年召  
爲戶部左侍郎總督倉儲十年進戶部尚書督倉  
儲如故時李廣權傾中外大臣多賄給之繼獨不  
與通至是廣死籍其家得納賄簿言官劾論章日  
數十上帝悉宥之明日早朝空班謝罪惟繼與兵  
部尚書馬文升垂紳屹立無忤色焉當時廷臣雖  
蒙優容亦漸罷去而繼與文升之名益著無何改

南京刑部尚書尋調兵部參贊軍務以疾乞致仕

有旨慰留報未至而繼卒贈太子少保賜祭葬如例繼爲人清慎誠懇有才識遇事敢爲歷官四十年所至有聲家無厚蓄李廣之敗風節特著當時望其大用而反有留都之調天下惜之

王宇字仲宏祥符人童州時日記萬言巡撫侍郎于謙一見竒之曰此大器也登正統四年進士授南戶部主事管理糧儲痛革宿弊廉能之聲大著遷知撫州府處士吳與弼隱居學道宇薦於朝郡治旁爲前官種魚塘宇填爲倉儲粟萬石以賑饑宜黃山中多虎宇爲文禱於神虎一夕逸去金谿

潛菴先生史稿

列傳四十一卷十九

望

民聚衆剽掠宇曰此迫于饑寒耳開倉賑之皆涕泣散去初赴撫州時所攜止朝祭服一篋律令數卷比去不增一物天順元年超遷山東布政使歲大饑設法賑濟全活數萬人二年擢左副都御史巡撫宣府兼理大同時石亨與姪彪驕貴驕恣而大同其舊鎮地索取尤橫皆莫敢誰何宇獨抗疏劾之以爲大蠹大好莫甚于此乞置于法以消未形之患聞者無不敬憚亨彪敗帝嘉其忠直尋遭母喪歸召起復拜大理寺卿固辭終制不許七年卒貧無以斂帝聞惻然曰此佳士也遣官祭葬

徐源字仲山長洲人少好學工文成化中舉進士

授工部主事改兵部歷員外郎中集羣吏自誓曰

某硜硜知朝廷法耳諸權貴請囑戒聞者勿通而

陰籍其姓名若將入奏者權貴凜然賄託遂絕時

天下武功爵幾二十萬坐耗祿不貲絕者往往以

疏遠襲至不可究詰源奏名器宜慎必核實宗派

乃許襲濫冒者一切報罷舊例以罪亡者落職源

謂罪有重輕以笞杖之故而革其職不已甚乎出

爲廣東右參政時勦雲桂徭獠源督餉舟車相屬

師以克濟宏治十二年擢右副都御史巡撫山東

潛菴先生史稿

列傳四十一  
卷十九

望

值歲饑源與勅使侍郎何鑑分行賑濟割臨清倉

米八萬餘石補歲漕額明年將徵償源奏民賴賑

給得稍蘇而又遽征之與不賑何殊詔悉蠲之溼

王就封於沂以水涸將由陸之國大索輿馬役夫

民爲騷動源檄所司姑緩之亟發卒濬河淤者立

通得順流而東公私無擾未幾致仕卒源温粹寬

仁稱長者而執守堅定雖當官案牘山積未嘗一

日去書不觀文章博雅王鏊亟稱之

韓邦問字大經會稽人成化五年進士授大理寺

評事轉寺副奉勅慮囚四川釋寃獄九十餘人出

知淮安府淮當南北之衝供役甚繁邦問隨事節  
省民德之江北四府多滯獄泗州官軍嘗誣奏無  
辜逮死者衆邦問辨理咸得其情遷陝西參政歷  
四川廣東布政使所至皆以惠聞宏治十二年進  
都察院右副都御史巡撫江西時洞民負險爲盜  
歲久莫能制邦問奏立土官軍布威德地方以甯  
太監駐饒州燒造供御磁器邦問力言小民凋敝  
之狀可憫祖宗恭儉之節當師孝宗感其言中止  
邦問性直遂爲當路者所阻抗章請老不許改撫  
河南有旨取樂工邦問弗遣上疏引放鄭聲爲戒  
潛菴先生史稿列傳四十一  
卷十九

四

詞甚切直報可正德改元遷南京大理寺卿累遷  
刑部尚書致仕家居二十餘年恭儉清慎始終一  
節卒謚莊僖

徐貫字原一涇安人幼明敏從姚夔受春秋登天  
順元年進士授兵部職方司主事歷郎中貫在郎  
署久習樞務一時以爲能遷福建右參政巡視海  
道分守延邵等四府閩中饑出官廩賑球全活甚  
衆進右布政使復值大疫死者相枕藉奉勅祭告  
封內山川復發庫帑給楛瘞之轉山東左布政使  
宏治元年擢都察院右副都御史巡撫遼東時遼

左法令久弛反側跳盪患且不測貫始至劾參將  
佟昱不職黜之鎮守總兵多役軍卒爲佃戶悉行  
禁革時議城潮河川貫與兵部侍郎王宗夔巡撫  
屠勳相視地勢以川口土浮脆城不便請增兵戍  
守邊境以甯七年冬召爲工部左侍郎蘇松漸遭  
水患命往治貫講求水利以吳淞白茅港東臨大  
海西接昆承諸湖泛溢不常爲患尤鉅乃起帆歸  
浦至分莊七十餘里旁浚斜堰七浦塘諸水慮費  
無所措與巡撫何鑑議役其地卽用其地之人分  
地程工分工賦糧凡用粟二十八萬石役夫二十

潛菴先生史稿

列傳四十一  
卷十九

四

五萬人不旬月告成東南民賴之九年進本部尚  
書清甯宮災止弭災六事止織造恤邊民停傳奉  
恤供應節財用戒無益皆切中時弊帝納之加太  
子少保彗星見上疏乞致仕加太子太傅馳驛歸  
歲給夫米優其老卒贈太保謚康懿  
徐恪字公肅常熟人成化二年進士以吏部侍郎  
葉盛薦授工科給事中轉湖廣左參議三遷至河  
南左布政使徽王自署吏恪以非制革之王怒指  
恪侮慢請治其罪帝曰藩王置吏非祖制也恪革  
之固當以書諭王勉自愛河徙通汴城廷臣議徙

諸王府三司於許恪極言不可乃止弘治三年擢  
都察院右副都御史巡撫河南戶部遣使督漕賦  
甚急恪言河徙民困請免徵許之宏治七年河復  
決張秋延議謂河不可治有請復海運者恪上言  
黃河之患古今有之漢決瓠子被災不過數郡武  
帝至躬勞萬乘沈璧馬籲神祇將軍以下皆親負  
薪卒成宣房之築况今日事關漕運尤不可已者  
哉議者見黃陵岡塞口不合張秋護堤復潰遂謂  
河不可塞至欲復行海運臣竊以爲過矣夫黃陵  
岡非真不可塞也顧修築堤防之功多疏濬分殺  
濬菴先生史稿

列傳四十一  
卷十九

豐

之功少河淺水溢湍悍之勢不可遽回耳今宜先  
加疏濬白滎澤孫家渡下至項城南頓使由泗入  
淮以殺其上流之勢又以黃陵岡賈魯舊河南經  
曹縣梁進口下通歸德使由徐入淮以殺下流之  
勢水勢旣殺則決口可塞運道可通且成大事者  
不惜小費就遠圖者不計近功昔元賈魯建治河  
之策內降中統鈔一百八十四萬五千餘錠凡庸  
工物料衣糧醫藥之需皆賴以給故魯無區畫之  
勞而河患以平今工興費繁所在倉廩空虛敢請  
下詔凡畿輔河南山東應用人夫每名免稅糧二

石役夫十萬所免歲計不過二十萬石幸而成功  
實國家無窮之利以天下之大國計之重所費甚  
寡收効甚博何憚而不爲之再請勅劉大夏專理  
河事戶工二部協心贊襄臣雖庸劣當竭智力與  
大夏隨地分工官吏軍民中有才能巧思者使各  
効其用毋計日月必求成績小有僨敗勿輒阻挫  
詔所司議行御史言漢中鄖陽夔州皆去省遼遠  
盜發不能治請別立一省專蒞之下諸巡撫議恪  
獨持不可遂寢恪在河南久權倖多不便謀去之  
無何調巡撫湖廣臨行汴人爲之罷市有司以羨  
潛菴先生史稿

列傳四十一  
卷十九

吳

金治行恪正色拒之且自咎曰吾乃不爲人所信  
如此湖廣始建藩封宦豎旁午於道載鹽百餘艘  
抑市於民恪立捕其下置於法權倖愈不便百計  
譖毀帝知其忠直降中旨遷恪南京工部侍郎恪  
上言爵祿者天下之公傳奉非美名碩臣何人敢  
干清議臣自惟釋褐登朝未嘗有所攀援今日之  
遷實出意外願陛下毋以臣廢國家法辭氣峭直  
求退甚力帝曰此朕意卿勉就職恪始拜命在工  
部勾計詳密胥吏無所售其奸權倖家舊例乞給  
班匠格悉漸不與怨之者衆賴帝知之深故譖卒

不能行也以年至請致仕不許六載考績進階正議大夫資治尹入謝疾作於廷中命給驛歸言者數言恪敦重可任大事將起用不果恪儀觀甚偉生平慕魏驥爲人故功名畧與相埒臨終自以受主眷深未能報稱戒其子勿請卹典以重吾過朝廷聞之賜葬祭如制

陳泰字吉亨光澤人永樂中舉鄉試第一宣德中除安慶府學訓導正統二年廷臣交薦其賢擢監察御史奉命按貴州時都指揮宮聚素桀驁聞泰至斂戢不敢肆大軍征麓川歲取土兵二千爲鄉潛菴先生史稿

列傳四十一卷十九

聖

導戰失利輒殺土兵冒功泰奏罷之越數月召還復巡按山西會南北畿旱澇相仍詔求直言泰言洪範庶徵皆由人事乞罷大臣不法者以回天意於是都御史陳智侍郎李庸祭酒貝泰等皆罷去奏劾山西布按及州縣官之貪殘者悉寘之法明年復被命巡按山東泰以在職多匪人瀕行上疏數千言大要以選賢去奸爲治本帝嘉納尋擢四川按察使踰年蜀大治都御史寇深忌其才名曠所私陳敏誣泰杖殺入下刑部獄久之得白復故官十四年也先入寇命協同諸將守紫荆關巡視



泊邊諸屯堡景泰元年遷大理寺右少卿守備白  
羊口再遷右僉都御史鎮易州節制紫荆倒馬諸  
關區畫戰守甚周寇知有備不敢犯三上章辭位  
不許五年轉左僉都御史疏理徐州呂梁二洪浚  
臨清濟甯諸河道七年巡撫蘇松常鎮暨嘉湖諸  
郡蒞下嚴而不苛政令清明吏不能作奸天順初  
御史沈固言六部尚書都御史增設多員請行裁  
汰泰左遷廣東按察司副使連遭父母憂服闋復  
左僉都御史巡撫四川父老聞其至競相告曰陳  
憲使復來吾輩無患矣至則劾罷貪墨吏數十人

潛菴先生史稿

列傳四十一  
卷十九

吳

蜀復稱治八年進右副都御史巡撫淮揚兼督漕  
運成化元年力辭歸家居五年卒泰操履清白有  
才力爲御史時以搏擊得名所至風規稜稜而功  
名於吳蜀尤著云

陳壽字本仁其先新淦人洪武間戍籍遼東衛壽  
少故貧甚落落自豪稍長從賀欽學已乃遍歷宣  
府大同關西諸鎮欲持戈建功名積二年無所遇  
歸理舊業登成化八年進士授戶科給事中閱視  
宣大邊防劾去鎮守中官之不法者數人時萬貴

妃專寵族人橫甚中官梁芳又結妖僧繼曉干國

法壽抗疏論之逮繫詔獄尋得釋弘治元年以都給事中遷大理寺丞尋調南京光祿寺少卿進南鴻臚卿十三年擢僉都御史巡撫延綏會火篩入寇出奇兵卻之加俸一等十六年進南京都察院右副都御史正德元年南京科道以劾劉瑾被逮壽抗疏申救瑾怒奪職既歸田杜門謝客陝西鎮守中官廖鏜暴虐吏民楊一清言壽忠鯁輕去就宜起撫陝乃卽家拜命至陝清勁執法鏜爲之歛戢未幾遷南京兵部右侍郎去陝時陝人號哭擁輿移日不得行壽爲言官時直論時政得失無隱

潛菴先生史稿

列傳四十一卷十九

晃

獨不妄彈劾人曰吾父戒我勿作刑官以刑官能枉人若言官枉人尤甚吾不敢妄言楊一清曰宋王素爲諫官言人材難得無事之時當爲朝廷愛惜程伯淳爲御史告君曰使臣拾遺補闕則可若搜索臣下短長以沽直名臣不能也本仁得之矣嘉靖初詔進一品階榮祿大夫以羊酒彩幣存問於家時年八十有三壽歷官四十餘年大半在散地食祿任事不久其建明樹立多可述而廉名尤著老年諸子旅寓飄泊環堵蕭然歿不能葬久之親舊相周僅畢其喪都督楊宏陝人也上疏言壽

仁廉恤下請卹其後其感人久而無斃如此  
諸短篇雖無意爲文然端凝有法至其括人  
生平頗露丰稜猶是吾學編中所少

潛菴先生史稿

列傳四十一  
卷十九

辛

生平頗露丰稜猶是吾學編中所少

潛菴先生史稿

潛菴先生史稿

